

太平寰宇記

第
六
冊

太平軍年記

卷六

太平寰宇記卷之十九

河南道十九

淄州

齊州

淄州

淄州

淄川郡今
理淄川縣

禹貢青州之域星分危宿十四度周

之九州爲幽州之境職方氏幽州其浸菑時州蓋
取淄水爲名也春秋戰國時屬齊秦置三十六郡
爲齊郡之地在漢爲濟南郡之般陽縣屬濟南樂
安二國尋又置臨淄國于此其城迄今一名臨淄
城一名齊城晉屬樂安國宋元嘉五年于此置清

河郡仍于州理立貝邱縣後魏又爲東清河郡高
齊天保七年廢清河郡以貝邱屬齊郡開皇十六
年于今理改置淄州大業二年廢淄州三年屬齊
州又改爲齊郡隋亂陷于寇賊唐武德元年重置
淄州領淄川長白萊蕪三縣六年廢長白萊蕪二
縣八年又以廢鄒州之長山高苑蒲臺三縣來屬
天寶元年爲淄川郡乾元元年復爲淄州景龍元
年分高苑置濟陽縣又併入高苑又割蒲臺隸之
後割隸棣州

元領縣五

今四

淄川 長山 高苑 鄒平

一縣廢

濟陽

入高苑

州境

東西一百二十五里 南北一百八十二里

四至八到

西南至東京八百四十五里

西南至西京一千二百四十里

西南至長安三千二十五里

東至青州一百二十里

太平寰宇記 卷之十九
南至兗州三百七十里

西至齊州二百里

北渡河至棣州二百一十里

東南至沂州五百二十里

西北至齊州同上

東北至青州一百里

戶

唐開元戶四萬二千七百三十七

皇朝戶主一萬一千二百八十二客一萬八千七百七十

風俗同青

人物

田何

淄川人家貧守道不仕惠帝親幸其廬受易齊魯之士多宗之

禰衡

淄川人與

孔融為忘形交嘗奏漁陽鼓裸身尋操又于江夏賦鸚鵡援筆立就後為黃祖所殺

鄒長

倩

淄川人

土產

貢防風

長理石

出絕絹

麻布

淄川縣

舊十七鄉今五鄉

本漢般陽縣也屬濟南郡在般水

之陽故名後漢屬齊國晉省宋元嘉五年于此置

貝邱縣屬清河郡高齊廢郡縣屬齊州隋開皇十

六年于此置淄州貝邱縣屬焉十八年改貝邱爲
淄川縣大業二年廢淄州縣屬齊州唐武德元年
重置淄州縣仍隸之 原山在縣東南七十里地
理志云原山淄水之所出也 西一作商山在縣北

七十里 有鐵鑛古今鑄焉亦出磁石 籠水古名

孝水輿地志云齊有孝婦顏文姜事姑孝養遠道
取水不以寒暑易心感得靈泉生于室內文姜嘗
以緝籠蓋之姑怪其須水卽得非意相供值姜不
在私入姜室去籠觀之水卽噴湧壞其居宅故俗
亦呼爲籠水今按水之發源去縣五十里始流經

州西去城一百五十步有般水注之又流入長山
縣界 般水亦名左阜水源出縣東南龍山般陽
縣在般水之陽謂此水也今按般水發源去縣二
十里經縣理南去一百二十步又西北流入籠水
州理城本漢般陽縣城也道書福地記云般陽
山自生黍可食按此縣界無般陽山當爲般陽縣
界有此山也 鬻山在縣東北十里三齊略記云
鄭玄刊註詩書曰棲遲于此山上有古井不竭獨
生細草葉形似籐俗謂鄭公書帶草 康浪水卽
寧戚叩角歌之處 淄水源出縣東南原山禹貢

維淄其道鄭注淄水出泰山萊蕪縣淮南子謂之水出鉛山蓋原山別名又田巴對齊王曰臣侍妾皆謂臣美及臣鑑淄水方知自醜萊蕪故城按縣昔齊靈公滅萊萊人播流于此地邑落荒蕪故以萊蕪爲稱漢屬泰山郡後漢范史雲爲萊蕪長清儉守節百姓歌之曰甌中生塵范史雲釜中生魚范萊蕪蓋此邑也故反蹤城齊記云齊景公失馬尋蹤遂失于此故有反蹤城又按輿地志云魏明帝景初三年以遼東新沓縣吏民渡海來去還于此地置新沓縣以居之屬齊郡也逢陵故

城在縣西北四十里左傳云齊大夫逢丑父與君
易位爲晉師所獲晉人捨之齊頃公獲免俗傳此
卽丑父之城 淳于髡墓在縣東六十七里史記
曰齊宣王好士髡等談說之士七十餘人並食上
大夫祿髡滑稽多智時人號曰炙輠音禍髡死諸弟
子三千人爲縗經

長山縣

西北六十二里舊十八鄉今十九鄉

本漢於陵縣地也按漢於

陵縣在今縣理南二十五里於陵故城是也自漢
至晉恆爲於陵縣地不改宋武帝于此僑立廣川
郡又于郡理僑立武強縣高齊天保七年改廣川

郡爲平原郡隋開皇三年廢平原郡乃移武強縣入廢城中屬齊州十六年分置淄州復以武強屬焉十八年改武強爲長山縣取今縣西南二十五里長白山爲名屬淄州大業二年廢淄州縣隸齊州武德元年置鄒州縣又屬焉八年廢鄒州依舊屬淄州 長白山在縣西南四十五里按顧野王輿地志云齊城西南百五十里有長白山陳仲子夫妻所隱處 濟水西自齊州章邱縣界流入在縣西北三十五里 縣理城卽宋廣川郡理也 於陵故城在縣南二十五里漢於陵縣城也屬濟

南郡水經注陳仲子齊國人兄祿萬鍾仲子非而不食避兄離母家于於陵卽此地也 高苑故城在縣北二十四里齊高苑縣也 濟南故城古郡城在縣西北 十二斤溝周志云十二斤溝卽百脈水亦曰合流水

高苑縣

北百一十里舊十四鄉今二鄉

按漢地理志云高苑縣屬千

乘郡後漢屬樂安國宋無高苑縣別于今縣理西二里如狄故城置長樂縣屬渤海郡高齊廢渤海改屬長樂郡隋開皇三年罷郡縣屬青州十六年隸淄州十八年改爲會城縣大業三年改爲高苑

縣取縣東南高苑故城爲名隋末陷賊唐武德元年重置屬鄒州八年廢鄒州縣屬淄州按縣兼有漢千乘國地濟水西南自鄒平縣界流入經縣北七十步被陽故城在縣西南八十步本漢舊縣也侯國屬千乘郡高齊自如狄故城移長樂縣理于此南千乘故城在縣北二十五里漢千乘郡高帝置領縣十五屬青州後漢和帝更名樂安國領縣九宋於此置樂安郡隋開皇三年移千乘縣于廣饒城屬青州今青州千乘縣理是也廢濟陽縣唐景龍元年析高苑置以在濟水之北故

名縣尋廢還高苑在州北九十四里

鄒平縣

西北一百二十里舊十二鄉今四鄉

本漢舊縣屬濟南郡後漢

及晉並不改永嘉之亂其縣遂廢後魏地屬臨濟

縣按臨濟在今高苑縣界如狄故城是也高齊天

保七年自今長山縣界濟南故城移平原縣于今

理東南三十五里漢梁鄒故城地屬焉隸廣川郡

周不改隋開皇三年自梁鄒城移平原縣入鄒平

城屬齊州今理是也十六年改屬淄州十八年改

平原縣爲鄒平縣復漢舊名也大業二年罷淄州

縣屬齊郡唐武德元年屬鄒州八年州廢縣屬譚

州貞觀元年譚州廢隸淄州 黃河西北自齊州

臨濟縣東流入經縣西北去縣十八里 濟水西

自齊州臨濟縣界流入南去縣三十五里又北入

高苑縣界 鄒平故縣城俗名趙臺城在縣西南

十五里唐武德二年築置鄒平縣八年移于今理

齊州

齊州濟南郡今理歷城縣亦兗州之域星分危宿一度春秋屬

齊所謂晉平公伐齊戰于歷下因山以名地秦屬

齊郡漢韓信伐齊至歷下卽此也文帝分齊郡立

濟南國今州卽濟南國之歷城縣理所景帝三年

爲濟南郡理東平陵屬青州晉永嘉末自東平陵
城移于歷城今州是也後爲石勒所據慕容氏亦
有其地義熙五年劉裕平之宋元嘉九年割青州
西部于此僑立冀州後魏改爲齊州兼置濟南郡
蓋齊之故地以爲名隋開皇三年廢郡復爲州煬
帝初爲齊郡唐武德元年改爲齊州領歷城山茌
祝阿源陽臨邑五縣二年置總管府管齊鄒東泰
譚淄濟六州七年改總管府爲都督府貞觀元年
廢都督府及譚州仍省源陽縣又以廢譚州之平
陵臨濟亭山章邱四縣來屬七年又置都督府管